

PATHIANIN MANNA A PÊ

CHIBAIBÛKNA: Kan hnêna a awm avângin Pathian hnênah lâwmthu kan sawi thîn.

CHÂNGVAWN: “Eitûr hnianghnâr takin in awm ang a, . . . tichuan LALPÂ hming chu in fak ang” (Joela 2:26, NIV).

Chhiâr Tûr: Exodus 16:1-5, 14-26; *Thlahtubulte leh Zâwlneite*, (2nd Edition, 2014), pp. 292-296..

Thuchah: Eitûr thâ min pêk avângin Pathian hnênah lâwmthû kan sawi thîn.

Zirlai Tum: Naupangte Chuan:

- Pathian chuan eitûr hrisêl tam tâwk nei tûrin a duhsak tih hria a,
- An mamawhte chu Pathianin a ngaihtuahsak ang tih ring ngamin,
- Chaw eitûr an neih avângin Pathian hnênah lâwmthû an sawi thîn ang.

Khawi aţangin nge chaw eitûr i hmuh thîn? Thlâi huân aţangin nge thlawhhma lam aţangin? Pathianin Israelte hnênah chaw eitûr danglam bik tak a pê a ni.


ISRAELTE chu thlalêr lama chawlhkâr eng emaw chen an zin kual hnûin, Aigupta ram aţanga eitûr an rawn pâite chu an ei zo ta a. Eitûr chungchâng an engto ţan ta a.

Thlalêr ram ro lamah chuan eng mah a ʈo lawi lo va. Pathian rinchhan ta mai lo chuan, phunnâwi leh thil sawisêl an ʈan leh ta mai a ni.

Pathianin eitûr an mamawh tih chu a hre sâ reng a. An ril a ʈâm tih pawh a hre tho bawk. Ei tûr thâ leh hrisêl an mamawh tih pawh a hriat sak a. Tichuan Mosiâ hnênah vân aţangin an tân chaw ei tûr a rawn sûtîr dâwn tih a hrih a.

Zân lamah chuan thil mak danglam tak a lo thleng a. Zîng lamah chuan Israelte riah bûk vêl zawng zawngah chuan thil vâv tê tak tê tê hi a lo tla ʈeuh mai a.

Chutiang chu tûnhmâin Israelten an la hmu ngai lo. “Hei hi eng nge ni?” tiin an inzâwt



hlawm a. An riabhûk vêl zawng zawnga mîte chuan, “Hei hi eng nge ni?” tiin an inzâwt ta theuh mai a ni.

Mosia chuan, “In ei tûr atâna LALPAN a pêk che u a nih kha,” a ti a. A tui dân chu chhang khawizûa chiaah ang deuh mai a ni! Mîte chuan a hmingah ‘Manna’ an ti a, chu chu “Hei hi eng nge ni?” tihna a ni.

Tichuan Mosian, “Tûk tinin *Manna* chu a lo tla thîn dâwn a. Zîngah hmâ takin tho ula, in ni khat tlâ tûr chhar thîn ang che u. Zan khuâ khuâ chuan dah that tum suh ang che u,” tiin a hrilh a.

Mahse mi thenkhat chuan Mosiâ thusawi chu an âwih duh lo va. A tûk atâna khêk te an tum a. A tûkah chuan an Manna chu a lo tawihin, a rim chhe vek a. Thenkhat erawh chu an thatchhe lutuk a, ni khat tlâ tûr pawh an chhar peih lo va. Nî a lo tlângsân chuan Manna chu a tuiral vek a, chûng mîte chu ei tûr nei lo, rilfâm takin a tûk zîng thleng chuan an awm a. Zirtâwpnî erawh chuan Mosian mipuite hnênah ni hnih tlâ chhar tûrin a hrilh a, a chhan chu Sabbath nî chuan Manna a tla dâwn lo a ni. Mi thenkhat chuan Mosiâ thusawi chu an âwih duh lo va. Ni danga pawh a chuânga an chhar chu a chhe vek zêl a, Zirtâwpnîa an chhar pawh chu chhe vê tûrin an ngai a. Mahse, chutiang a ni lo va, a tûk Sabbath nilêngin a tha reng zêl a. Sabbath nî chuan a thar a rawn sûr ngai lo thung a ni.

Chawlhkâr khatna a liam meuh chuan, mi tinin Pathian sawi ang zêla tih tûr a ni tih an hre ta a ni. An nilêng tlâ tûr an chhar chhûng chu hnianghnâra chaw ei tûr an nei reng a. Zirtâwpnî apiangin ni hnih tlâ tûr an chhar ta ziah bawk a. Pathian sawi ang an zawm phawt chuan, nî tinin chaw thar ei tûr an nei zêl a. Keini pawh chutiang chuan Pathianin kan mamawhte min ngaihsak reng tho a ni.

Pathian chuan vawiin pawh hian kan chaw-ei tûr min la pê a. Vân aţangin *Manna* a rawn sûtîr vê kher lo ang, mahse, kan nî tin chaw ei tûr chu kawng dangin min pe reng tho a ni. Chaw ei tûr kan neih avângin Pathian kan fak thîn tûr a ni!

TÌH TÛR & SAWI TÛR

Sabbath Chàwnû: Tûn kâr nî tinin, zirlai hi chhiar ho vin, chângvawn ennawn nân heta zaizir hi in ti thîn dâwn nia:

Eitûr Chaw bâr anga kut tih tûr.



hnianghnâr takin Kuta thil pê anga phar chhuah.

in awm ang a mi dangte kawh kual



tichuan LALPÂ Chunglam kawh

hming chu lû khawih



in fak ang Chunglam zâwnga kut phar chhuah.




Joela 2:26 Kut phah pahnih thlawp a, kâu leh.



Sunday: In fâten Sabbath Sikul lama an chaw ei duhzâwng lem an ziah kha mi dang hnêna pe tûrin fuih ula, chutah Pathianin thlalêra Israelte hnêna *Manna* a pêk dân chungchâng in hrilh dâwn nia.

Thàwhṭannî: Chhiar ho tûr: *Exodus 16:1-5, 14-26*. **Inzawh tûr:** Engati nge Israelte kha phun nâwia thil an sawisêl? Engtin nge Pathianin a ṭanpui tâk? Chhûn ei tûrin chhang khawizûa chiah chu sem vê teh u. **Inzawh tûr:** *Manna* kha hetiang a tui hi a nih in ring em? In chhûngkaw ei tûr Pathianin a pêk che u avângin lâwmthû sawi ang che u.



Thàwhlehnî: Ei tûr thil chi hrang hrang hming in sawi dun lain in fâ chuan thil eng emaw hrual mûm vêl chhên teh se. Chutiang thil eitûr avâng chuan lâwmthû sawi ula. In fâ chuan thil vâ, nêl deuh thap, lapuâ emaw dek/khawih se la. Israelten *Manna* an hmuh hmasak ber ṭum khân “Hei hi eng nge ni?” tiin an inzâwt tlâng ṭheuh a, chû chu a hming awmzia chu a ni.



Nîlâinî: In fâ chu chhang siam pui ula, a nih loh leh chhang urna hmuna an siam vêl dân enpui ang che u. Nangmahnin in ur emaw, mî chhang siam sâ in lei emaw pawh ni se, mi dangte hnênah sem vê ang che u.

Níngānî: In fâte chu maimitchhîntîr ula, chutih lai chuan an hnâr hnuaiah thil rim na deuh hlek chî: strawberry te, purûn te, purûn vâ te, sêr zai lêp te leh thil dang in chhawp dâwn nia. Tichuan a rim aṭang chuan an hre thei em zâwt zêl ang che u. An rim hi thil eitûr tuina belhchhahtu a ni vê bawk tihte in hrilh dâwn nia. Lâwmthu sawina lam hlâ sa ho ula, chutah ei tûr in neih avângin lâwmthû sawi ang che u.

Zirtâwpnî: In chhûngkaw worship-naah Bible thawnthû hi lemchanah hmang ho ula. Kâr khat ni hrang hrang hmingte sawi ula, in fâte chu *Manna* chhar angin tihtîr ula. Zirtâwpnîah erawh chuan ni danga chhar ṭhin lêta tam, Sabbath nia ei tûr daih zâna chhar a ngai tih kha hre reng ang che u. In chhûngte chu ei tûr tui an tihzâwng sawitîr ṭheuh ula. Pathianin chaw eitûr min pêk avângin lâwmthû sawi ang che u.